

1138

Date 1980
Price ॥ श्रीः ॥

अध्यात्मप्रकाश ।

कवि शुकदेवकृत



कवित्त, दोहे, सोरेठे, छंद, चौपाई इत्यादिमें
वेदान्त विषय उत्तमतासे वर्णित है
“नारदजी” मुरादाबाद निवासी द्वारा
संशोधित और परिवर्द्धित ।

113

खेमराज श्रीकृष्णदास,

अध्यक्ष श्रीविष्णुश्वर' स्टीम्-प्रेस, बंबई.

संवत् १९८८, शके १८५३.
1980




मुद्रक और प्रकाशक-

खेमराज श्रीकृष्णदास,

मालिक-"श्रीवेङ्कटेश्वर" स्टीम प्रेस, बम्बई.

पुनर्मुद्रणादि सर्वाधिकार "श्रीवेङ्कटेश्वर" यन्त्रालयाध्यक्षाधीन है।



श्रीरामकृष्णार्थां नमः ।

अथ अध्यात्मप्रकाशो लिख्यते ।

चकोर छन्द ।

स्थावरजंगमजीवजिते जगभांतिन भांतिन भेष-
धरे हैं ॥ तामहिसत्यचिदानन्दरूपसों आतम
एकप्रकाशकरे हैं ॥ ताविनु जानते सिन्धुसों लागत
जानते गोपदतुल्यतरे हैं ॥ वन्दत ताहिकहै सुखदेव
जु ब्रह्म सदा सबहीते परे हैं ॥ १ ॥

दोहा—व्यासमथनकरि वेदसब, सूत्रजुकाढेसार ।
श्रीगुरुशंकरदेवजी, कीन्हो बहुविस्तार ॥ २ ॥
तिन्हग्रंथनको समुझिमत, धर्यो जु पर उपकार ॥
भाषाकरि सुखदेवजी, रच्यो ग्रन्थ अतिचार ॥ ३ ॥
जैसेरविकेते जते, अंधकारमिटिजाय ॥ अध्यातम

प्रकाशते, त्यों अज्ञाननशाय ॥ ४ ॥ गुरुशिष्य
 संवाद अरु, वेदवचन उपदेश ॥ अध्यात्मप्रकाश
 यह, भाषासरल सुवेश ॥ ५ ॥ अधिकारीजिज्ञासु
 अरु, शिष्यकहावतसोय ॥ तपसाबुनकरि देहके,
 पापन डारत धोय ॥ ६ ॥

छप्पय—वेदस्मृतिजेकहे धर्म अपने वर्णनके ॥
 तिन्हकर धोवै पापजन्मजन्मांतरनरके ॥ फलअ-
 भिलाषाछाँडकर्महरिप्रोतकरैसब ॥ दहयविमल
 जलहोयज्ञानवैरागयोगतब ॥ श्रुतियुक्तिसहित
 उपदेश गुरुकरै शिष्यहियमें धरै ॥ विज्ञानसहित
 सुखदेवकविप्रगट ज्ञानमारगरै ॥ ७ ॥

कुंडलिया—जैसेवर्षापायकै, जोतैखेतकिसान ॥
 त्योंप्रारब्ध पायकै, देहसुकर्मनिजान ॥ देहसुकर्म
 निजानखैं बइंद्रियमनसोवै ॥ बोवैवीर्यउपदेशवेदव
 चननिगुरुबोधै ॥ तबउपजैदृढ ज्ञानरीतिखेतीकरि

ऐसे ॥ अनभौफलयौलहै सुखमारगजैसे ॥ ८ ॥

कवित्त-इन्द्रिनकोजीत्योगुणखैच कीनो हाथ
मनपरउपकारहीलौंतिनैभाइयतहै ॥ वेदकेबखानि
वेकोसारासारजानिवेकोभेदग्रंथ भांतिबेकोरूपगा-
इयत है ॥ एकरूपपहिचान्यौं सबहिनमेंसोइ
जान्यौं आपुतेनाजुदोमान्यौंसोवताइयतहै ॥ ईश्वर
लौध्यावैजीमें दृढभक्तियावैतबऐसागुरुपावैता-
पैज्ञानपाइयत है ॥ ९ ॥

दोहा-गुरुसोंपूछैशिष्ययह, नमस्कारकरिध्या-
न ॥ नीकेकरमोसोंकहो, कासोंकहियतु ज्ञान ॥ १० ॥
श्रीगुरु उवाच ॥ भूलगयोअज्ञानते, अपनोआत्म-
रूप ॥ ताहीकोफिरिजानिवो, ज्ञान कहतकविभूप
॥ ११ ॥ साधन चार कहेगुरु, प्रथम एकवैराग ॥
पुनि विवेक समदमअवर, मुनि मुमुक्षु बडभाग
॥ १२ ॥ वैराग ॥ ब्रह्माइंद्रहिआदिजे, होतदेहध-

रिभोग॥काकवीटिसमतेगनै,बीतरागजेलोग १३॥
 विवेक॥ देहप्रपञ्चअनित्यहै,आतमनित्यबखानि॥
 सारासारहिजानिवो, यहविवेकसबमानि ॥१४॥

अथ शमदमसमाधिलक्षण ।

सावैया—वासनात्यागसदाशमहै दमइन्द्रियवृत्त
 कोनग्रहठानै ॥ देखै नदोषविषेउपरामनिछावैहैदुः-
 खजो सुःखनिमानै । । साधनवेदअचारजकीसुप्र-
 माणहिये सरधासोंबखानै॥एकहैचित्तसमाधिबसै
 इहिभांति समाधि छसाधन जानै ॥ १५ ॥

अथ मुमुक्षु॥ दोहा—जन्ममृत्युसंसारते,कैसेछुटि
 येमित्त ॥ सोमुमुक्षुकहिये सदा, यहैविचारतचित्त
 ॥ १६ ॥ चारोंसाधनजेकहे, तिन्हेंयुक्तिजबहोय ।
 तबजोपूछैआतमा,कहैगुरुपुनिसोय॥१७॥नमस्का
 रकरजोरिकै, भेटहाथमेंल्याय ॥कहोगुरुजीआत-
 मा,कैसेजान्योजाय॥१८॥श्रीगुरुउवाच ॥ शिष्य-

मुमुक्षुविचारिकै, बोले गुरुदयाल ॥ वहै कहते हों
जो कह्यो, अर्जुनसों गोपाल ॥ १९ ॥ सामवेदके
वचन हैं, तत्त्वं असिपदतीन ॥ जान्यो इन्हको अर्थ
जिहि, लियो सार तिन्ह बीन ॥ २० ॥

चौ बोला—तत्त्वं पद ईशजीवत्त्वं पद है असिपद
है असिपद ब्रह्म कहावै ॥ मायामें यह तीन भेद हैं एकहि
वेद बतावै ॥ २१ ॥ शिष्य उवाच कहो गुरुजी एक
ब्रह्म ते तीन भेद क्यों भाषें ॥ कैसे भये कौन के लीने
कौन रूप अभिलाषें ॥ २२ ॥ श्रीगुरु उवाच ॥
एक ब्रह्म चैतन्य अखंडित तते उपजी इच्छा ॥
ताही सों माया कहियत है नीके सुनिजै शिक्षा ॥ २३ ॥
माया जड चैतन्य ब्रह्म को तामें भयो अभासा । सत
रजतम त्रैगुण उपजाये ताते द्वैत विलासा ॥ २४ ॥
माया और प्रतिबिंब ब्रह्म को गुणनि सहित दोउ
कीन्हे ॥ एक मांझि सतगुण अधिकारी दूजोरजतम
लीन्हे ॥ २५ ॥ सतगुण अधिक बिंब अरु माया

सोई ईशकहायो ॥ तमगुणअधिकबिंबयुतमाया
प्रगट जीवपदपायो ॥ २६ ॥

दोहा—बिंबभुलान्योअपनपौ, तमगुणके अधि-
कार ॥ मायाकरवैचित्रता, कीन्हे जीव अपार ॥
॥ २७ ॥ सोपाछेकरिकहैंगे, जीवनकोसबमर्म ॥
अबैकहतहैईशको, रूपशीलगुणकर्म ॥ २८ ॥

अथ तत्त्वपदवर्णन ।

सवैया—शुद्धसतोगुणकेगुणतेप्रतिबिंबन आपुन
भूलनपायो॥मायहिखैंचकियो अपनेवशईशवहैस
र्वज्ञकहायो ॥ चौदहलोकरचेछिनमें अरुमेटतहै
जबचाहैमिटायो ॥ शक्तिअनंतकहैसुखदेववहैपुरु
षोत्तमवेदनगायो ॥ २९ ॥

सवैया—आपुनहीचतुराननहै सुखथावरजंगम
जीवउपावै ॥ रक्षाकरैसबकीहरिहैअरुजीविकाता

कातहीं पहुँचावै ॥ रुद्रहै अन्त संहारकरै अरु
आपुहिकालहै सृष्टिनशावै ॥ यों जगखेल विश्वभ-
रको जैसे बालकखेल खिलौना मिटावै ॥ ३० ॥

दोहा—तीन देह हैं ईशके, कारण सूक्ष्म मथूल ॥
अवताको वर्णन करौं, पुरुष विराट समूल ॥ ३१ ॥

चौपाई—प्रथम देह कारण है माया ॥ ताके बल
सब जग उपाया ॥ जाकी आदिन को उल है ॥ सत्य
असत्य न वेदहु कहै ॥ ३२ ॥

दोहा—पंचतत्त्व ताते भये, पहिले सूक्ष्म रूप ॥
शब्द स्पर्श अरु रूप रस, गंध कहत कविभूष ॥ ३३ ॥

चौबोला—चौपाई ॥ तिनकी सूक्ष्म देह भई
जो हिरण्यगर्भ कहावै ॥ सब जीवनके आपुनहीं
तेलिंग शरीर बनावै ॥ ३४ ॥

दोहा—इन्द्रिय मन बुधि प्राण जे, सबके रचै वि-
चार ॥ कहिये सूत्रजु आत्मा, ताही सो निर-

धार ॥ ३५ ॥ थूलतत्त्वपंचीप्रगट, तिनतेसबब्रह्मंड ॥
 नभअरूपवनसुतेजमिलि, अरुपृथवीबहुखंड ॥ ३६ ॥
 थूलदेहजगदीशकी, थूलतत्त्वकीजान ॥ ताहींमेंसब
 जीवकी, देहै लीजो मान ॥ ३७ ॥

कवित्त-शिरअवकासश्वासनासिका पवनवास
 सूरशशिनैनमुखअनिलकोकरैहै ॥ हरिहरभुजा
 दोउहियोचतुराननहैउदरसकल लोक वाणीवेदर।
 रैहै ॥ पर्वतहैं अस्थिरोमसकललोकबनसपतीमेघ
 मालावीरजपातालपायतरैहै । अलख अरूपजाकी
 महिमाअनूपदेखोवह विश्वभूप वहैविश्वरूप धरैहैं
 ॥ ३८ ॥ शिष्य उवाच ॥ दोहा ॥ समझोपुरुष विराट
 जो, कीन्होआपुबखान ॥ कबतेहैकबलोंरहत,
 कहिये सब परमान ॥ ३९ ॥ श्रीगुरुउवाच ॥
 ब्रह्महीकी आयुसों, याकोबँध्यौप्रमान ॥ सुनि
 अबतोंसोंकहतहों, ताकोसबैविधान ॥ ४० ॥

सवैया—सत्रहलाखहजारअठाइसहैं युगसत्यच-
हूँपगजानो ॥ बारहलाखनवैछैहजारकोत्रेतातहांप-
गतीन बखानो ॥ आठजुलाखहजारसुचौंसठद्वापर
द्वैपगधर्मके मानो ॥ चारसुलाखबत्तीसहजारकोहै
कलियुगएकपगठहरानो ॥ ४१ ॥

दोहा—लाखतेतालिसवर्षअरु, बीतेबीसहजार।
एकचौकरीयुगनकी, ताकोकह्योविचार ॥ ४२ ॥
ऐतीऐतीचौकरी, युगनवजाहिंहजार ॥ ब्रह्माजूको
एकदिन, तबकहियेनिरधार ॥ ४३ ॥ जेतेयुगको
दिनकह्यो, तेतीहैपुनिरात ॥ सृष्टिरचीदिनकेउदय,
रातिप्रलैहैजात ॥ ४४ ॥ ब्रह्माहीकेदिवसको, कल्प
कहतसबतात ॥ जामैंचौदहइन्द्रहै, राज्यकरेंमरि-
जात ॥ ४५ ॥ वर्षतीनसैंसाठको, इनदिवसनको
होय ॥ आयुदिव्यसौवर्षकी, ब्रह्माजूकी जोय ॥ ४६ ॥
ब्रह्माहीके जन्मसों, प्रगटहोत संसार ॥ महाप्रलय

हैंमरणते, यहैजाननिरधार ॥ ४७ ॥ कहौं कहाल-
 गईशकी, मायाकोविस्तार ॥ याहीते संक्षेपसों
 कछुकछुकियोविचार ॥ ४८ ॥ ततपदईश्वरकोक-
 ह्यो, यहैसकलव्यौवहार ॥ अबसुनत्वंपदजीवको,
 जोनशायसंसार ॥ ४९ ॥ अथत्वंपदवर्णन ॥ चौबो-
 ला-पहिलेकहि उत्पत्तिईशकीवहैजीवकीजानौ ॥
 वाकेशुद्धसतोगुणयाकेतमगुण अधिक बखानौ ॥
 ॥ ५० ॥ शिष्यउवाच । दोहा-सतरजतमयहतीन
 गुण, मायातेकहिआय।तिनकेलक्षणकृपाकरि, मो
 हिंदेहुसमुझाय ॥ श्रीगुरुउवाच॥सकलवस्तुकोज्ञा-
 नअरु, बुद्धिविमलजबहोय । यहैसतोगुणजानिये,
 कहतसयानेलोग५१लोभलियेव्योहारजो, सोरज
 गुणपहिचान ॥ आलसनिद्राविकलता, मोहतमो
 गुणमान॥५२॥ सवैया-सच्चिदानंदस्वरूपअखंड
 सुआपुतमोगुणतेबिसरायो।एकतेजीवअनेकबनाये

सुमायाकियोअपनोमनभायो ॥ कारणदेहअवि-
द्यावहैअरुवाहीकोनामअज्ञानकहायो । सूक्ष्मथूल
उपाधिकोमूलवहैप्रतिकूलसुखानंदगायो ॥५३॥

दोहा-मायाकीद्वेशक्ति हैं, विक्षेप रु आवर्ण ॥
चेतनरूपभुलायकैं, ढांख्यौअंतः कर्ण ॥५४॥ शि-
ष्यउवाच ॥ मूलअविद्यातुमकही, सबउपाधिको
देव ॥ देहलिंगअरुथूलको, जान्यौचाहतभेव ॥५५॥

श्रीगुरुउवाच ॥ सवैया-नासिकानैनत्वचारसना
मिलकाननइन्द्रियज्ञानबखानो ॥ वाकनिपाण-
निपाँयउपस्थपदौमिलि पांचहिकर्मनिधानो ॥
प्राण अपानरुव्यानसमानउदानहिऔरमनोबुधि
सानो ॥ सूक्ष्मपांचहु तत्त्वनते यह सत्रहतत्त्वको
सूक्ष्मजानो ॥ ५६ ॥

शिष्यउवाच । दोहा-पांचतत्त्वसूक्ष्मनते, सत्र-
हक्योंकरकीन ॥ कहियेमोसौंप्रगटकरि, कामैको

परवीन ५७ ॥ श्रीगुरुउवाच ॥ वाक्यश्रवण
 आकाशते, प्रगटहोत यों जान ॥ वह बोलै वहई सुनै,
 दोऊ शब्द निदान ॥ ५८ ॥ त्वचामानिये पवनते,
 प्रगटहोत रे मित्त ॥ दोउ स्पर्साहि धर्म की नीके
 जानत चित्त ॥ ५९ ॥ नैन चरण यह ते जते, इन्द्रिय
 दोउ कहाजु ॥ वे चाहत जारूप को, यह ले जात तहांजु
 ॥ ६० ॥ रसनाना भी दोउ भये, जलते सुनरे तात ॥
 जानत रस के स्वाद को, समुझि देखिये बात ॥ ६१ ॥
 मूल द्वार अरु नासिका, यह पृथिवी ते दीय ॥
 वहै ठिकानौ गंध को, याहि ज्ञान सब होय ॥ ६२ ॥
 प्राण अपान समान अरु, व्यान उदान हि जान ॥
 पांच ठिकाने ते भये, एकै पवन बखान ॥ ६३ ॥
 पांच भूत के अंश मिल, उपजो मन अरु बुद्धि ॥ सब इन्द्रि
 न के स्वाद की, है ताही ते सुद्धि ॥ ६४ ॥ पांच प्राण द्वै
 बुद्धि मन, इन्द्रिय दशौ गिनाय ॥ पांच तत्त्व ते यों भये,

सत्रहदयेवताय ॥ ६५ ॥ कारणजोपहिलेकहे, अरु
यालिंगसमेत ॥ कर्मभोगनिजकरनको, थूलदेहध-
रलेत ॥ ६६ ॥ शिष्यउवाच ॥ कारणसूक्ष्मदेहद्वै,
कहीसुसमझीदेव ॥ अबकहियेकरिकैकृपा, थूलदेह-
कोभेव ॥ ६७ ॥ श्रीगुरुउ० ॥ चौबोला ॥ महा
भूतपञ्चीकृतकरिकैसञ्चित कर्मउपावै ॥ सुख अरु
दुखके भोग करनको थूलदेहछविछावै ॥ ६८ ॥
शि० उ० ॥ दोहा-पञ्चीकृतसमझ्योनमैं, तुम
जुकहीभगवान ॥ तातेफिरविस्तारसों, कीजै प्रगट
विधान ॥ ६९ ॥ श्रीगुरुउवाच ॥ महिकठोरअरु
द्रवतजल, तेजउष्णताजान ॥ चलतवायुखाली
जहां, तहां अकाश बखान ॥ ७० ॥ एकतत्त्वके
पांचकर, पांचनतेपच्चीस ॥ पांचअंशन्यारेरहैं,
मिश्रितकीने बीस ॥ ७१ ॥

छप्पय-अस्थिमांसत्वकरोमनाडिका प्रगटपञ्च-
भुय । रक्तपित्त अरुस्वेदलारपुनिरुधिरनीरहुय ॥

भूख प्यास मुखप्रभा नींद आलसहितेजगनि ॥
 यावनि कूदनि चलनि पसारनि सकुच सुपनभनि ॥
 शिरकण्ठ हृदय अरु उदर कटि यह अकाश
 विधिपञ्चलहि ॥ पञ्चभूतपञ्चीकरणकरि पञ्चीससु-
 खदेवकहि ॥ ७२ ॥

दोहा-एकएककेपाँचकरि, कहेसुसबपञ्चीस ॥
 कौनतत्त्वमेंकोमिल्यौ, सुनौचित्तदेबीस ॥ ७३ ॥
 एक एकके नौकरे, पाँचनपैंतालीस ॥ पाँचराखिचा-
 लीसके, मिश्रितकीनेबीस ॥ ७४ ॥ बीजमुख्यपृथिवी
 रही, मांसनीरनसतेजु ॥ त्वचापवनमिलिकैभई,
 रोमअकासकहेजु ॥ ७५ ॥ बीजमुख्यजलजानि-
 ये, पित्ततेजमिलहोय ॥ स्वेदपवनभूरुधिरमय,
 लारगगनयुतजोय ॥ ७६ ॥ क्षुधामुख्यतेजर-
 ह्यो, प्यासपवनमयमानि ॥ सुखमाजलआलस
 अवनि, नींदअकामबखानि ॥ ७७ ॥ धावन

मृगव्यसमीरहै, गगनपसारनमाहि ॥ कूदनिते-
जसकोचभू, चलननीरबिनुनाहि ॥ ७८ ॥ शिरअ-
कासजोशब्दमय, कंठवायहियतेजु ॥ उदरनीरयु-
तजानिये, कटिभूगंधकहेजु ॥ ७९ ॥ भूमस्थलज-
लरेतअरु, तेजभूखपहिचान ॥ धावनिपवनअकास
शिर, पांचनिखालसजान ॥ ८० ॥ पांचअंशयेरा-
खिकै, भयेवीसयोंलीन ॥ ज्योंनरघटपटपरस्पर,
बदलत परमप्रवीन ॥ ८१ ॥ यहसबपंचीकरनको-
तोसोंकह्योविचार ॥ थूलदेहधरजीवयह, करतभो-
गसंसार ॥ ८२ ॥ तीनदेहतोसोंकही, कारणसूक्ष्म
थूल ॥ पंचकोशके भेदपुनि, ताहीमध्यसमूल ॥ ८३ ॥

कवित्त-अन्नमयथूलजातपवनप्राणमयमानपांच
कर्मइन्द्री अरुमनमनोमयहै ॥ पांचज्ञान इन्द्री
और बुद्धि है विज्ञानमय कारण अविद्या सोतौ

आनंदमें लय है ॥ तीन देह मांझ पंचकोश सुख देवक-
हैं ना के कै विचार देख भ्रम हीं को भय है ॥ को सुन्है न को-
ऊ कहै देहे है न सोऊ एक आत्मा को जाने सो तो
आनंद को चय है ॥ ८४ ॥

शिष्य उवाच ॥ चौ बोला-संचित कर्म न ते पहिले
ही थूल देह तुम भाषी ॥ कर्म न के लक्षण सुन वे को मे-
रा मति अभिलाषी ॥ ८५ ॥ श्री गुरु रुवाच ॥ दोहा-
संचित अरु प्रारब्ध ये, क्रीयमान त्रय कर्म ॥ सुन
हों तो सौं कहत हों, तिन के अद्भुत मर्म ॥ ८६ ॥ एक
जन्म के कर्म फल, भोगै जन्म अनेक ॥ संचित तो-
सौं कहत हैं, सुख दुख सहित विवेक ॥ ८७ ॥ एक ज-
न्म के कर्म फल, भोगै दूरी देह ॥ सो प्रारब्ध कहावई,
सुन अब सहित सनेह ॥ ८८ ॥

सवैया-गर्भवसैनर औ पशु देह जरा युज योनि त-
हां पद पावै ॥ पक्षी पतंग पिपीलन माबहु अंड जयोनि

तहां छबिछावै ॥ स्वेदतेस्वेदजकीउत्पत्तिजुचील-
रऔरजुवाँजोकहावै ॥ उद्भिजवृक्षतिनूकनिलौंइ-
हिभांतिजोजीवनकर्मबनावै ॥ ८९ ॥ कीटपतंग
करैपशुपक्षिअधोगतिमेंजलजीवनिभावै।कैसुरलो-
कबसैसुरहै कबहूँसुरराजकिसंपतिपावै।मानसहैसु-
खदुःखसहैधरनीचकेऊँचकेलैप्रगटावै ॥ आतमए-
कविचारविनायहिभांतिसोजीवनकर्मबनावै॥९०॥
पुण्यकरैसुरलोकलहै अतिपापनतेसबनर्कनिधावै॥
पुण्यरुपापसमानदोऊमहिमानुषहै कुलमें छबि
छावै॥ जो सुखदेव लिलार लिख्यौ सुघटै न बढै
अरुजायन आवै ॥ आतमएकविचारविनायहिभां-
तिसुजीवनकर्मबनावै ॥ ९१ ॥ जागतमेंसब
विश्वबनायविलासकरैवसनैननहेरै ॥ ताहिकीवा-
सनावासितहैस्वपनेमहमोहमनोरथधेरै । सूक्ष्मथू-
लशरीरदोऊश्रमतेहितहोतसुखोपतिनैरै ॥ तीनअ-
वस्थनमेंसुखदुःखलहैसुतौएकअदृष्टकेपरै ॥ ९२ ॥

दोहा-इक्षानिक्षपरेक्षसों, त्रिविधकर्मकेभोग ॥
 जन्मआदिअरुअन्तलों, कहतविवेकीलोग ॥ ९३ ॥
 कर्महोतप्रारब्धते, मूरखजानतनाहि ॥ मानले-
 तअबमैंकरे, क्रीयमानते आहि ॥ ९४ ॥ जन्मधरावत
 तेकरम, मानिलेतपुनिअज्ञ।वेईहैंप्रारब्धते, मानतहैं
 योंतज्ञ ॥ ९५ ॥ ज्ञानउदयहियहोतही, संचितकर्मवि-
 लात ॥ क्रीयमानहोतेनहीं, प्रारब्धैरहिजात ॥ ९६ ॥
 देहतीनमेंजीवकी, कहीसहितविस्तार।जातेतेरेचि-
 त्तमें, उपजैब्रह्मविचार ॥ ९७ ॥ पाँचभूततेदेहयह,
 ताकोझूठीजान। सांचोएकैआतमा, सोविचार-
 करमान ॥ ९८ ॥

सवैया-भौतिकदेहसदाजडहै वहआतमचेतन
 ज्योतिहिसानौ ॥ देहअनित्यमरैजनमैवहआतम
 नित्यअखंडित जानौ ॥ देखियेदेह अमंगल रूपसो
 आतमशुद्ध अदृष्टबखानौ ॥ ताकोआपकहैनरमूढ
 कहांउनतेपशुऔरहैमानों ॥ ९९ ॥

दोहा-षटविकारहैं देहको, तेआतमके नाहिं ॥
 सुनअबतिनकोनामपुनि,समुझिदेखमनमाहिं १००
 उपजतहै अरुठबतहै, बालयुवा पुनि होय ॥ वृद्ध
 होतपुनिमरत है, षटविकारहै जोय ॥ १०१ ॥

सवैया-शौच अशुद्धभरीदुर्गन्धलसैबहुखंडसुथू-
 लनिहारो ॥ रोगग्रसैबहुभांतिजरैसिथिलैपुनि आ-
 मिषअध्रुवछारो ॥ होतनहोतघनेदिनमेंछिनमेंमि-
 टिजातनलागतवारो ॥ देहसदादशदोषभरीयह
 आतमब्रह्म अदोषविचारो ॥ १०२ ॥

दोहा-वेदकहतअरुमैंकहत,तूपुनिचित्तविचार ॥
 आतमचेतननित्यहै, देहअनित्यनिहार ॥ १०३ ॥
 शिष्य उवाच ॥ तुमजुकहीसोंसबलखी, थूलदेहमें
 नाहि ॥ याहिछोडऔरैधरत, लिङ्गदेहमयआहि
 ॥ १०४ ॥ श्रीगुरुवाच । पंचभूतजडतेभई,
 सूक्ष्मकीउत्पत्य ॥ अलखअनादिअखंडहै, तूतो
 आतमसत्य ॥ १०५ ॥ शिष्य उवाच ॥ देहहोत

चैतन्यजिहि, इन्द्रियतिहिसमतूल॥प्राणहोयक्यों
औरनहिं, यहौकहतअतिभूल॥१०६॥गुरुरुवाच ॥
सोवतमें भूषणहरत, जानतनाहीं कोय ॥ प्राण
होतचैतन्यतौ; चोरहिपकरतसोयप ॥१०७॥

सवैया—कानकोकामनानाककरै, अरुनाकको
कामनाकानपैहोई ॥ आँखकोकामनाजीभकरै, अरु
जीभकोकामनाआँखिनजोई ॥ हाथकोकामनापा
यँकरै, अरुपायँकोकामनाहाथनसोई॥जानतआप-
नेस्वादनकोदश,इन्द्रिनमांझनचेतनकोई ॥१०८॥

शिष्यउवाच ॥ दोहा—स्वादपरस्परऔरके,
इन्द्रियजानतनाहिं ॥ ताते ये जडहैं सबै, हौंचे-
तनमनमाहिं ॥ १०९ ॥ श्रीगुरुरुवाच ॥

दोहा—पंचतत्त्वकेअंशते, मनउपज्योयहिजान ॥
सबइन्द्रिनकेस्वादसों, तातेहैपहिचान ॥ ११० ॥
बातसुनतहूसुनतनहिं, कहतनाहिंमनठौर॥तातेय-
हैविचारिये, चेतनहैकोइऔर ॥११॥ सुखपतिइ-

न्द्रियसहितमन, मिलत अविद्यामाहिं ॥ जागत हैत-
 ब कहत है, आज कछू सुधि नाहिं ॥ १२ ॥ स्वप्न्यो है
 देख्यो कछू, सोय गयो यहिरीत । यह जानी जिहि ज्ञा-
 न सों, यहै ज्ञान कीरीत ॥ १३ ॥ पञ्चतत्त्व ते होत मन,
 ज्ञान भये मिटि जात ॥ ताको नरस्वर कहत हैं, जाको
 उत्पति पात ॥ १४ ॥ सदा अनादि अनंत हैं, सो आत्म
 तू आय । ताते यहै विचारिकै, छोड अज्ञ के भाय १५
 शिष्य उवाच ॥ सत्रह में सो रह कहैं, रही जुवा की बुद्धि ।
 जानत हौं चेतन वहै, जाको सब की बुद्धि ॥ १६ ॥
 श्रीगुरु उवाच ॥ अहंकार मन बुद्धि चित, एक कहत है
 चार ॥ एक कहत है बुद्धि मन, अंतःकरण निहार ॥ १७ ॥
 जैसे एक हिप वन के, प्राण हुये हैं पाँच ॥ तैसे अंतःकर-
 ण के, भेद चार पुनि सांच ॥ १८ ॥ जब चाहत हैं वस्तु
 क्रछु, चित्त कहत हैं ताहि ॥ यतन कल्पना जब करै, मन
 कहिये पुनि वाहि ॥ १९ ॥ मैय हलीन्हें लेत हौं, अहं-
 कार यह जोय ॥ सब की जब निश्चय करै, बुद्धि

नामहैसोय ॥ १२० ॥ जैसेब्राह्मणएकही, नामक्रिया
 तेदोय । रोटी करै रसोइयाँ, पढै सो पंडित होय
 ॥ २१ ॥ बुद्धिते परे जो आत्म है, यहजुकही
 भगवान ॥ अरुपुनिआतमबोधसो, शंकरबोध
 निधान ॥ २२ ॥ परेद्वैइन्द्रियदेहते, मनइंद्रियते
 जोय ॥ बुद्धिकहीमनतेपरे, बुद्धिते आतमसोय
 ॥ २३ ॥ सुखदुखइच्छारागये, सबैबुद्धिकोधर्म ॥
 सुषुपतिमेंयहसबमिटत, रहत आत्मापर्म ॥ २४ ॥
 शिष्य उवाच ॥ कह्योआपसमझोसुमें, देहदोयहों
 नाहिं ॥ अबआतमकासोंकहों, याशरीरके
 माहिं ॥ २५ ॥ श्रीगुरुवाच । न्यारेन्यारेतैंलखे,
 सबहीकेगुणरूप ॥ जानतनाहींआपको, यहै
 अजानअनूप ॥ २६ ॥ कारणमूलउपाधिको, यहै
 तीसरीदेइ ॥ आदि न ताकी जानिये, अंतज्ञानके
 गेह ॥ २७ ॥ अहंकारबुधिसोकहै, तूजिनदेहिजगाय ॥
 उठिहै परमानंदतब, मैंतू जग न समाय ॥ २८ ॥

यहै अविद्यानींद है, स्वप्नतुल्यसंसार ॥ ब्रह्मल-
खैजबआपको, जागितवहैविचार ॥ २९ ॥ शिष्य
उवाच ॥ रूपकौनहैब्रह्मको, काविधबसैशरीर ॥
कहियेमोसोंकरकृपा, ज्योंनशायभ्रमभीरा ॥ १३० ॥

श्रीगुरुरुवाच ॥ कवित्त-मनबुद्धिइन्द्रियकोकार-
णचलायवेको सकलउपाधिनतेन्यारोरहे गातमें ॥
जैसे घटघटमांझ व्यापकअकासअरुन्यारोसुखदु-
खनतेदेख्यौअवदातमें ॥ तैसेरविज्योतिआगेसो-
वतते जीवजागै उठिउठिकामलागैसवैपरभातमें ।
अज अविनाशीपरिपूरणप्रकाशी सुखदेवसुखरा-
शीऐसेब्रह्मलखिआतमें ॥ ३१ ॥ देहकेप्रकाशकहैका-
ठमाहिंअग्निजैसेचेतनप्रकाशकहैमनबुद्धिगातमें ॥
मनचक्षुरादिहूते न्यारो सबकालजानमनचक्षुरादि
हूंकोमनचक्षुतातमें ॥ मनचक्षुरादिनते पाइये
न रूप जाको अतिही अरूप एक अद्भुत
बतातमें ॥ अज अविनाशी परिपूरणप्रकाशी ऐसे

नित्यलखि सुखदेव सुखराशी आतमें ॥ ३२ ॥
 सुखको अभास जैसे दर्पणमें देखियत सुखतेन न्यारो
 ताहि गनियत वातमें ॥ ऐसे ब्रह्मचेतनको बुद्धिमें अ-
 भास पर्योता हीसों कहत जीव बहुविध गातमें ॥ दर्प-
 णकेटारे प्रतिबिंब मिट जात जैसे ब्रह्मके विचारों
 जीव मिट जात है ॥ अज अविनाशी परि पूरण प्रकाशी
 सुखदेव सुखराशी ऐ सो नित्य लखि आतमें ॥ ३३ ॥
 रविको प्रकाश पाय लोचन विलोकै रूप तैसे रवि ब्रह्म
 कै प्रकाश तव दातमें ॥ जैसे एक सूत सांझ मणिकन
 पोहियत तैसे एकचेतन है बुद्धि न के गातमें ॥ सब हि-
 में एक वहै सब हिते न्यारो रहै गगन के समान न मिल-
 तकाहु वातमें ॥ अज अविनाशी परि पूरण प्रकाशी
 सुखदेव सुखराशी ऐ सो नित्य लखि आतमें ॥ ३४ ॥
 सदचिद आनंद स्वरूप एक आत्माको बिंब परे बुद्धि
 न अनेक लखियतु है । जैसे एकरविके अनेक ही घटन
 माहिं जल को प्रताप न्यारो न्यारो पेखियतु है । कर्म-

नकेवशजीव दुःखसुखभोग करै नीचऊंचमध्ययो-
निमध्यपेषियतुहै ॥ पवनकेवशजैसेसरवरनिकंपे-
जलचंचल हैकोऊकोऊथिरदेखियतुहै ॥ ३५ ॥
दृष्टिकोछिपावैचनअज्ञजानै भानुछिपैऐसे शुद्ध आ-
त्माकोबंधननमान्यो है ॥ कहैसुखदेवजैसेश्वेतम-
णिमेंनरंगपासधरैजाकेताको रंगमानोसान्यो है ॥
जैसेजलमांझपरैचंद्रप्रतिबिंबआनिजलकेहलत वहै
हालतसोजान्यो है ॥ ऐसेजडबुद्धिमांहिंदेखिप्रति-
बिंबब्रह्ममूढनलैब्रह्मको जगतमाहिं सान्योहै ॥ ३६ ॥

शिष्य उवाच ॥ दोहा—ममस्वरूपहैआत्मा,
जडशरीरसोनाहिं ॥ विषयभोगकोकरतहै, यहसं-
शयमनमाहिं ॥ ३७ ॥ श्रीगुरुवाच ॥ विषयभो-
गव्यंजनरचे, थारीथूलशरीर ॥ इन्द्रियकरसोकर-
तहै, भोगबुद्धिमनधीर ॥ ३८ ॥ इच्छासुखदुख
दोषअरु, धृतचेतनसंघात ॥ यहसबक्षेत्रजुधर्महै,
न्यारोआतमतात ॥ ३९ ॥ देहकहतहैआपसों,

तबलों कहिये अज्ञ ॥ ब्रह्मलखै ज्ञानी वहै, आत्म अ-
ज्ञ न तज्ञ ॥ १४० ॥ तू छूट्यो संसार ते, निःसंदेह
रहि नित्य ॥ लख्यौ आपुको आत्मा, यहै मुक्ति है
मिच्छ ॥ ४१ ॥

कवित्त—सदचित्त आनंद स्वरूप सुप्रकाश जाको
सम सब ही के उर अंतर रहत है ॥ अचल अखंड अज अ-
क्रिय अनंत गति अद्वै अरूप इन्द्रिय मन नाग रहत है । निर-
विकार निराधार निर्विकल्प निराकार कूट वत निर्गुण
निरंतर लहत है ॥ आत्मा को ब्रह्म जानै देह को अस-
क्ति मानै पंडित सयाने ज्ञान ताही सो कहत है ॥ ४२ ॥

दोहा—वर्णाश्रम अभिमान है, जब लग जिय में मान ।
वेद स्मृतिकी आज्ञा, ये हैं सही प्रमान ॥ ४३ ॥

कवित्त—पाप अरु पुण्य दोउ पहिया प्रबल जाके
लोक अरु वेदरीत वासना की वारिकै ॥ काम क्रोध
लोभ मोह की लन सों राख्यौ जर कहैं सुख देव अब
कर्म निविचार कै ॥ वर्णाश्रम और अभिमान की

जंजीरजानसुःखऔरदुःखके किवार तोरडारिकै ॥
 भ्रमकोनिवाररूपअपनोसम्हारसिंह निकस्योप्रबो-
 ध जबपींजराकोफारिकै ॥४४॥ शिष्य उवाच ॥ देह-
 नाहीं इन्द्री नाहीं मनबुद्धिप्राण नाहीं कारणअविद्यान-
 हीं औरसुखजकहों ॥ वर्णाश्रमनाहीं जातिकुल धर्म-
 नाहीं करता अरु कर्म नाहीं भोगतानजकहों ॥
 मायाको विलासनाहीं ईशकोप्रकाशनाहीं जिवचि-
 दाभासनाहीं भांतिभांति भेषहों ॥ जाग्रतसुपनसुषुपति
 कोलखैयासदा तुरीयाप्रगटबोधरूपब्रह्म एकहों ॥४५॥

दोहा—यहतौ जान्यो आत्मा, तुमप्रसादते देव ॥
 अबैकही जैत त्वमसि, जो कहिवे है भव ॥ ४६ ॥

श्रीगुरु उवाच ॥ यह सब त्वंपदरूपको, तोहिं सुनायो
 रूप ॥ अब सुन असिपद ब्रह्मको जो है सबको भूष
 ॥४७॥ इतित्वंपदार्थ ॥ अथ असिपदार्थ ॥ तत्पद
 ईश्वरको कहत, त्वंपद जीव बखान ॥ असिपद ब्रह्म

अलितहै, वहैदोउमेंजान ॥ ४८ ॥ वहईश्वरसर्व,
 ज्ञहै, जीवसदाअल्पज्ञ ॥ समकहियेजोदुहुँनको
 तौनजानियेअज्ञ ॥ ४९ ॥ तत्पदमानोसिंधुहै, त्वं-
 पदबूंदसमान ॥ असिपदपानीदोउमें, ताहि एकक-
 रजान ॥ ५० ॥ तत्पदजैसेभूपहै, त्वंपदमनहुकि-
 सान ॥ असिपदमानसकोकहत, ऐसेजानोज्ञान ५१
 शिष्य उवाच ॥ देवदत्तइकनामयहि, मिल्योविभ-
 वयुतमित्त ॥ फिरवहदेखौंविपतियुत, कैसआवेचित्त
 ॥ ५२ ॥ ईश्वरकीसर्वज्ञता, सोमायातेजान ॥
 जीवनकीअल्पज्ञता, ताहिअविद्यामान ॥ ५३ ॥
 वासमयेकोविभवतजि, अबकीतजौविपत्ति ॥ वृष्टि
 करो जोदेहपर, तोवहइहहैसत्ति ॥ ५४ ॥ जेउपाधि
 केमूलहैं, तिनकोझूठेजान ॥ शुद्धरूपजोब्रह्महै, एक
 आत्मामान ॥ ५५ ॥ जैसीदेहहैजीवकी, तैसीहैज-
 गदीश ॥ न्यारीन्यारीकहतहौं, दोउएककरिरीस ५६

कवित्त-जैसीदेहवाके ब्रह्माण्डअखंडरूपतैसेया
केथूलजामेंहाथपायँलेखिये ॥ वाकेहैहिरण्यगर्भदू-
सरोशरीरयाकेसूक्ष्मकहावैतत्त्वसत्रहसुपेषिये। वाके
आदिमायाजातेहोतसब काजसिद्ध याकेहै अविद्या
जातेभूल्योअबरेखिये। वासोंजगदीशयासोंजीवकरी
डारैएकब्रह्मकोविचारेतौनजीवईशदेखिये ॥ ५७ ॥

दोहा-तजैईशर्काईशता, और जीव अविवेक ॥
तीनोंपदको अर्थयह, तत्त्वं असिहैएक॥५८॥तत्त्वं
तुहीहै यह कह्यो, तत्त्वंपदकोअर्थ॥ यहीवृत्तिजाके
भई, सोसबभांतिसमर्थ ॥ ५९ ॥सामवेदके वचन
को, कह्योसबै विस्तार॥तैसे चारोंवेदके, महावचन
हैंसार ॥१६०॥ अहंब्रह्मेतियजुर्वेदः ॥ १ ॥ प्रज्ञा-
नमानन्दंब्रह्मतिऋग्वेदः॥२॥ अयमात्माब्रह्मेति अ-
थर्वणः॥३॥ तत्त्वमसीतिसामेवदर्वः ॥४॥ इतिमहा
वाक्यानिमहापूर्वाणि ॥ दोहा-ईशजीव अरु
ब्रह्म हैं, जैसो एक बखान । यहै अर्थसब वचनको

बुधिवलजानो ज्ञान ॥६१॥ सदचिद हैं आनन्दजे,
 अचल अखंड अनंत ॥ स्वप्रकाश कूटस्थ अज,
 अक्रियब्रह्म अनंत ॥६२॥ शिष्यउवाच ॥ द्वादश
 एकैब्रह्मके, कहेबिशेषण नाम । न्यारेन्यारेकरिकहो,
 अबतिनकेगुणग्राम ॥ ६३ ॥

श्रीगुरुवाच । कवित्त-जाग्रतस्वपनकाजहोत ।
 जाकीचेतनासोंसुषुपतिहूमैंहै साक्षीलों विशेखिये ।
 तीनहूंअवस्थनमेंभावाभावरूपतुरीयास्वरूप याको
 एकरसअवरेखिये ॥ जैसेलोहचुंबकसमीपकरैचेष्टा-
 कोतैसे देह इन्द्रीमन आतम सोलेखिये ॥ एकरूप
 जगमें जगमगतजाकीज्योति जहांतहां जान चित्त
 चेतन सुदेखिये ॥ ६४ ॥

दोहा-सोसदब्रह्मस्वरूपहै, ज्ञानविनानलखाय ।
 जीवजुन्यारौ ब्रह्मते, भयो असत्पा पाय ॥६५॥

आनंदस्वरूपछंद-देखैसुनेसूंवेखायचंदन त्वच
 कोलगाय वचनबनावेनीके जाकोजेलगतहै । हाथ

नग्रहणकरैपाँयनचलनकरैजोईहियेधरै ताहिसुखमें
पगतहै ॥ कहैसुखदेवविषैमिलमनभावतीतौसुखसों
लगतताछेमनहीपगतहै ॥ आनंदस्वरूपब्रह्मआनंद
अखंडजानिस्वपनेकोआनंदसोआनंदपगतहै ६६ ॥
अद्वैत । दोहा—एक आत्मावसतहै, थावरजंगमदेह।
जैसेमणिकामालके, सूतमाँझगुहिलेत ॥ ६७ ॥
अखंडलक्षण । सवैया—नाहिनजाकीसुजातकहूँअरु
दूसरिजातिसोकौनगनावै । आपहीमाहिंनभेदकछू
श्रुति नासिकानैनरुपाइनधावै ॥ रंगनरूप न वेद
कहैमनइंद्रिनकेसुनकैसेहुपावै ॥ चेतनएकअखण्ड
स्वरूपकहैसुखआपुकोआप लखावै ॥ ६८ ॥

दोहा—देहहोतअरुमिटतहै, तातेचंचलमान ॥
जन्ममृत्युजाकेनहीं, आतम अचलबखान ॥ ६९ ॥
अजत्व ॥ घटकोकारणमृत्तिका, ब्रह्मजगत्को जान ।
आदिरहितकारणरहित, अजकरताहिबखान ॥ ७० ॥
आतमहैअक्रियसदा, देहक्रियाबुधरूप ॥ जैसेदीप

प्रकाशते, खेलतज्वारीजूष॥७१॥ विषे बुद्धिपातु-
रनचै, अहंकारदिगभूष॥ इन्द्रीतालमृदंगयुत, आत-
मद्वीपस्वरूप ॥ ७२ ॥ जाके नहीं विकार कछु,
रहतकूटवतनित्त ॥ सोकूटस्थकहावई, समुझिदेख
चितमित्त ॥ ७३ ॥

अथ अनंत कवित्त—प्रथमहिंमायामें प्रवेशहै आ-
कासवायुतेजनीरपृथ्वीमों व्यापकगनंतहै॥ थिरचर-
जीवजेतेजगमें जगमगतसबमें प्रगटएकचेतन भनंत
है। ऐसे घटमठमध्यव्यापक आकाश अरु कहैं सुखदेव
यहू पहिले सनंतहैं॥ रूपहैनरेखजाकी महिमा अनं-
तताकी आदिहैन अन्तताते आत्मा अनन्तहै ॥७४॥
अथ स्वरूपस्वप्रकाशलक्षण ॥ औरवस्तु चाहिये
तौ दीपक प्रकाशियत दीपकके चाहिवे को दीपक न चा-
हिये॥ और सब देखिवे को आंखि सुखदेव जैसे आंखि-
नके देखिवे को कौन अवगाहिये ॥ रविको प्रकाश

पायसबमेंप्रकाशहोतरविमोंप्रकाशजैसे सो तहाँस-
रा राहिये । अग्निहीमेंदाहशक्तिआपहीतेहोत जैसे
तैसे सुप्रकाशएकआत्मासुआहिये॥७५॥ ब्रह्म क-
वित्त । शेषकेसहस्रमुखजीभद्वैहजारतातेनयेनयेनाम
नितलेतहीरहतुहै ॥ एकब्रह्मअंडजाकीपावत नपार
कोऊ ऐसेऐसेकोटिकोटिरोमलहियतुहै ॥ कहैं
सुखदेवएक अद्वैतपुरुषजासों नेतिनेति कहीना
प्रमाणचहियतु है ॥ सदचिदआनंदस्वरूपअवि-
नाशीपरिपूरणप्रगटपरब्रह्मकहियतुहै ॥ ७६ ॥

दोहा—यहद्वादशविस्तारमों, कहेविशेषणचारु ।

ऐसजानैआपको, यहैवेदकोसारु ॥ ७७ ॥

शिष्य उवाच ॥ न्यारेन्यारेसब कहे, बलविक्रम
अरुनाम ॥ रूपकहाहै ब्रह्मको, लहौंज्ञानकोधाम
॥७८॥ श्रीगुरुवाच ॥ अप्रमाण अद्वैतहै, अरु
चैतन्यसुभाय ॥ मनइन्द्रियगहिसकतिनहिं, क्यों
करवरण्योजाय ॥ ७९ ॥

कवित्त—काननकोनादनाहीजीभकोसवादनाहीं
 वचनकोवादनाहींजुगतिसोंजोकहै॥आँखिको दि-
 खाव नाहीं नाकको सुंघावनाहीकरकोगढाव नाहीं
 पायँकिनरोकहै॥मनकरिजानोनाहीं बुद्धिउन मान
 नाहीं दूसरोप्रमाणनाहींप्रगटऐसोकहै॥ असतप्रपं-
 चकैसे सत्यपहिचानै आपआपुसुखजानैदूजोमानै
 बिनकोकहै ॥ १८० ॥

दोहा—एकब्रह्म अद्वैतहै, ताकी उपमाकौन ॥
 विनउपमासमझतनहीं, अज्ञकहावतजौन ॥८१॥
 जोलक्षणआकाशको, वहैब्रह्मकोदेख ॥यहजडवह
 चैतन्यहै, यहैभेदपुनिलेख ॥ ८२ ॥

कवित्त—व्योमहीमें सातदुर सातलहैं सातलोक
 व्योमहीकेमांझलोकालोकलेखियतुहैं । व्योममेंज-
 गतऔरजगतमेंव्योमऐसेघटमांझ अरुन्यारोदेखि-
 यतुहैं॥ कहैसुखदेवजैसेजीवईशभेदवामेतैसेघटमठ

भेदयामें पेखियतु है । और सब लक्षण समान जान
व्योम के परब्रह्म मांझ चेतनता सो विशेषियतु है ॥ ८३ ॥

शिष्य उवाच ॥ दोहा—कह्यो प्रपंच अशक्तिको,
शक्ति ब्रह्म सो एक ॥ दूजो भयो अशक्ति क्यों, रहै एक-
कीटै ॥ ८४ ॥ श्रीगुरु उवाच ॥ एकै केवल ब्रह्म है,
भेद प्रपंच न मान । नित्य अनित्य विवेक करि, दूर करत
अज्ञान ॥ ८५ ॥ जो कहते यह पहिल ही, देह आत्मा
एक ॥ तौ आत्मनहिं जानते उँ, गहिले ते उँ यह टेक
॥ ८६ ॥ देह आत्मा भिन्न कहि, देह ममत छुटि जाय ॥
भयो आत्मा आप जब, तब सब एकै आय ॥ ८७ ॥
अरिह ॥ एक ब्रह्म अद्वैत भेद कह ब्रह्म वेद है ॥ और
भेद कछु नाहिं भेद अनभेद है ॥ यहै बाद अद्वैत सिद्ध कर
ही गहौ ॥ जान आपु को आप मुक्ति पद को लहौ ॥ ८८ ॥
दोहा ॥ जग को कारण ब्रह्म है, यह निश्चय कर जोय ॥
भूलन मन में लाइये कारज कारण दोय ॥ ८९ ॥ शिष्य
उवाच ॥ कारण तो दो भांति हैं, उपादान निरमित्त ॥

कहियेतामें कौनहै, वहअविनाशीनित्त ॥१९०॥
 श्रीगुरुवाच ॥ कारणएकैब्रह्महै, दोउभांति तिहि
 जान।उपादानअब कहतहै, फिरनिर्भित्तबखान९१
 कवित्त-माटीसों कहतघट काठसोंकहतमठसूत-
 सोंकहतपटपीतपाटआनेते, लोहेसोंकटारीकहैपीत
 रसोझारीकहैकांसीतों कहतथारी भोजन कसानेते।
 कहैसुखदेवजैसेजलसोंतरंगकहैंतुंगकहैं तांबेमांझरां
 गलपटानेते, कंचनसोंकंकअरुकिंकणीकहततैसेब्रह्म
 सोजगतकहैआपविनुजानेते ९२ गंध्रवनगरजैसेवा
 दरमें देखियतनीलताअकाशमांझखालीकोमरमहै।
 जैसे सूखेडूंडआगेपुरुषसों निशिलागे जेवरीअंधेरे
 मांझसांपजोभरमहै। कहैंसुखदेवजैसेफटिककोहिरा
 जानैलालकोअंगारमानैजानतगरमहै। रूपौसीपश्वत
 नमेंनीरलखैरेतनमेंऐसेब्रह्मचेतनमेंनगकोभरमहै९३
 चसमाकेदियेजैसे छोटोहूबडो तो लागै दूरते नि-
 हारैबडोछोटोसोंलगतहै ॥ काचकीधरणिमांझनीर

ऐसो देखियत नीरमांझ कहुं कहूँ काच सो लगत है ।
 नाव के चलत हूख तीर के चलत लागे बादर के दौरे मा-
 नो चन्द्रमा भगत है । जैसे इन्द्र जाल भ्रम पांख का पेरे वा
 भासै जैसे ब्रह्म चेतन ते भासत जगत है ॥ ९४ ॥ शिष्य
 उवाच ॥ दोहा—ब्रह्म नित्य चैतन्य है, जग अनित्य
 जड जान ॥ उपादान क्यों कर भयो, जड को चेतन-
 आन ॥ ९५ ॥ श्रीगुरु उवाच ॥ चेतन ते जड होत है,
 जड ते चेतन होय ॥ यह प्रत्यक्ष हि देखि के, संशय डारौ
 धोय ॥ ९६ ॥ यह शरीर चैतन्य है, ताते नख जड होय ॥
 गोबर जड ते हो प्रगट, गुबरी लाचित जोय ॥ ९७ ॥

शिष्य उवाच ॥ दोहा—यह तो जानी जो कही,
 उपादान की रीत ॥ अब निमित्त किहि भांति है, सो क-
 हिये करमीत ॥ ९८ ॥ श्रीगुरु उवाच ॥ दोहा ॥
 सांख्य वेद और स्मृतिके, कहे ग्रंथ बढि जाय ॥ ताते
 उपमा युक्तियों, प्रगट देत समझाय ॥ ९९ ॥

कवित्त—जैसे घटकारज को कारण कहत दोई

उपादानमाटी औ निमित्त जो कुम्हारहै ॥ ऐसे
पांचतत्त्वगुणतीन है जगतभयौ, आपनही जीव-
ईश आपकरतारहै ॥ माटी औ कुम्हारन्यारौ एकह
तसोचभारोताते और उपमादैं कियो निरधारहै ।
जालाहै निमित्त उपादान जैसे मकरी है तैसी भांति
जगको विचारब्रह्मचारहै ॥ २०० ॥

दोहा—कारजकारणकरकह्यो, यह तो सों व्यवहार।
कारजकारणतें परे, सो है तत्त्व विचार ॥ २०१ ॥
कुण्डलिया ॥ जैसे घटको घटकहैं, माटीकारणजोय,
घटतजमाटीही रही, काको कारण होय । कारणका-
को होय यह कारज ऐंसे जानो ॥ जगतब्रम्हजोकहै प्रगट
निरुपाधि बखानो ॥ पुत्रपिताते होय पुत्रविनपिता न
तैसे ॥ कारणहूँ मिटजायत जै कारजको जैसे ॥ २०२ ॥

कवित्त—चेतन कहै जो कहूँ और जड होय
कछु सत्य कहौ ताते जो असत्य और लहिये ॥
आनंदस्वरूप कहौ तो जो शोक जानौ कहूँ एकतौ कहूँ

जोड़ूजोरूप और गहिये ॥ जो कहूँ अखंडखंडखंड और
 होय कछु, चल होय और तो अचलकाय कहिये ॥
 जानियह वेदसुखदेव नेतिनेतिकहे आपको विचार
 चुपचाप आप रहिये ॥ २०३ ॥ अजतौ कहौं जो दे-
 खौं और को जनम कहौं अक्रिय कहूँ जो करतार और
 लहिये ॥ कूटवत कहूँ जो लुहारवत होय कोउ अंत-
 वत् होय तो अनंतवाहि कहिये ॥ स्वप्रकाश कहूँ जो
 देखैया और होय कोई ब्रह्मतौ कहूँ जो कोउ और जीव
 गहिये ॥ गूँगो गुड खायता को स्वादना ब्रह्मान्यो
 जाय तैसे आपही को पाय आप चुप्परहिये ॥ २०४ ॥

दोहा—ए सो ब्रह्म स्वरूप है, ताहि आत्मा जान ॥
 अब तेरे प्रारब्ध नहिं, कछूलेहि पहिचान ॥ २०५ ॥
 कवित्त सोवत में जैसे देह धरिकै मनोरथ को पूत
 भयो काहू को खिलायो तिन्ह वारते ॥ शिशु तानिवा-
 र्यो पुनि भेद पढि चारो सब कुटुम सँभार्यो काका
 बाबा और सारते ॥ कहैं सुखदेव पूत नाती उपजाये

भांति भांतिनसिखायेपापपुण्यकरपारेते ॥ जागत-
 हींजैसे सबस्वपनेको झूठोजाने जागतकेजाने तैसे
 आत्मविचारेते ॥ २०६ ॥ कवित्त ॥ सोवतस्वप
 नमांझनीचजैसे राजाहोत जागतमेंलेसताकोरंचक
 नदेखिये ॥ जैसेबाँझपूतकी लराईकेउराहनेकीकौ-
 नकहैबातकाकेउरअवरेखिये ॥ कहैसुखदेवजैसेग-
 गनकी गंगामांझ फूलेअरविंदताकोसौरभविशे-
 खिये ॥ तैसेझूठजगमांझिझूठोही शरीर जान ताके
 कियेकर्मनकोसांचे करलेखिये ॥ २०७ ॥

दोहा-ब्रह्मरूपतबहीहतो, जबहोअज्ञस्वभाय ॥
 ज्ञानभयेकछुऔरनहिं, वहैब्रह्मअबआय ॥ २०८ ॥
 भूलेकोसमुझावहीं, वेदऔरगुरुलोग ॥ करतऔर-
 तेऔरनहिं, क्रियाकर्मके योग ॥ २०९ ॥

कवित्त-कोरीदशचले गाँवबीच नदीउतरांड पै-
 रिपैरिके सुभाउ पारभ्रम आयोहै ॥ जोईगनिदेखे
 सोईआपको नलेखै एकबूडो अवरैखै महासोचउ

पजायोहै॥औरजबपंथीआये न्यारेन्यारे समझाये
गिनिकैदशोबताये तबसुखपायोहै ॥ ऐसेसुखदे-
वगुरुदेवउपदेशकरि तेरोही स्वरूपफिरतोहिं सम-
झायोहै ॥ २१० ॥

शिष्यउवाच॥दोहा—जान्योतुवपरसादते,अपनो
आतमरूप ॥ अनुभवकासोंकहतहैं, औविज्ञानअ-
नूप ॥ २११ ॥ श्रीगुरुवाच॥चिदसदजानतब्रह्म
को, तौलगकहियतज्ञान ॥ ब्रह्मआपहीकोलखै,सो
विज्ञाननिदान ॥ २१२ ॥ जैसेनरअज्ञानमें,कहत
देहकोआप ॥ त्योहीजबब्रह्मकहै,ज्ञानहृदय आ-
लाप ॥ २१३ ॥ शिष्य उवाच मुक्तिभयोसंशय
गयो, लख्योआपनोरूप ॥ रहीदेहव्यवहारसों,का
विधिकरोअनूप ॥ २१४॥श्रीगुरुवाच॥अष्टावक्र
कोवचन ॥ भांतिभांतिभोगनिकरै,फेरिदिगंबरहोय।
पापपुण्यलागैनहीं ॥ ज्योंजनकादिकजोय ॥२१५
वेदांतकोवचन ॥ जीवईशअरुजगत्को, आतम

जानैजोय ॥ मनमें आवै त्यों रहै, तादिनरो कैकोय
 ॥ २१६ ॥ गीताको वचन ॥ लोकवेदके कर्म सब,
 ज्ञानी कीने जाय ॥ याके कर्म न देखिके, जक्त धर्म ठह-
 राय ॥ २१७ ॥ जैसे जब अज्ञानमें, चलत हनौ जिहिरी-
 ति ॥ तैसी विधि अब हूँ चले, तजै कर्म सों प्रीति ॥ २१८ ॥
 कवित्त ॥ नर सों न जन्म न धर्म वेद शासन सों विप्र सों
 वरण और आश्रम न गेही सों ॥ कर्म सों ना प्रबल न अ-
 बल विषै लंपटा सों जरा सों भरम न भुले आ और नेही
 सों ॥ गुरु सों ना वेद उपचार ना विचार ऐसो अज्ञ सों
 नरोगी अरु असंयमान येही सों ॥ मन सो उपास-
 क सुबुद्धि सों न संगी और देह सों देन हरो न देव और
 देही सों ॥ २१९ ॥

दोहा-यह वेदान्त हि को कह्यो, सब सिद्धान्त न सार ।
 सबै समुझिय आपमों, सबमें आपनिहार ॥ २२० ॥
 लाख लाख श्लोक को, ग्रंथ न में जु विचार ॥ सो मत कह्यो
 संक्षेप सों, भाषा माहि निहार ॥ २२१ ॥ जैसे सांभरि नों न

के, ढेर शैल समजोय। लीने पैसा एक भर, कार्य आपनो
 होय॥२२२॥ हतौ जु कछु मत जानवौ, जान चुक्यो तू
 सोय॥ और शास्त्रन के मते, भूलन तिन ते जोय॥२२३॥
 अथ मीमांसा ॥ यज्ञादिक कर्म न करैं, देवलोक फल
 भोग ॥ कहत मुक्ति मीमांसिक, दुख के भये अयोग
 ॥२२४॥ अथ पातंजल ॥ जीव ईश न्यारो कहत, पातं-
 जल सब काल ॥ दहै कलेशन योग कर, कहै मुक्ति सुख
 लाल ॥२२५॥ अथ सांख्य वचन । प्रकृति पुरुष और
 तत्त्व को, जाके होय विवेक । यहै मुक्ति सो सांख्य कह,
 ज्ञान भये सब एक ॥२२६॥ अथ न्याय वैशेषिक । वैशे-
 षिक अरु न्याय पुनि, दोऊ तारिक ज्ञान ॥ भेद वासना
 जब लखी, सोइ विशेष क जान ॥ २२७ ॥ आगमतंत्र
 पुराण पुनि, पंचरात्र मत जान ॥ खंचि आपने पक्ष को
 डारै जग में आन ॥२२८॥ और जो शास्त्रन के मते, परै-
 जगत में जाय ॥ कल्पन लौं छूटे न हीं, जन्म मृत्यु ते भाय
 ॥२२९॥ अपनो मत यह वेद से, सब ते उत्तम जान ।

ताहीकोविश्वासकरि, भूलिऔरमतमान ॥ २३० ॥
 शठधूर्तैं औ नास्तिक, वेदविरोधीऔर ॥ तिन्हैं
 नभूलसुनाइये, यहमतिमतशिरमौर ॥ २३१ ॥ जिन-
 केउरहरिभक्तिहै, औगुरुभक्तिसमान ॥ तिनके
 आगे खोलिये, यहउपदेशनिधान ॥ २३२ ॥ वेद
 सुमृतिकेवचनको, कहिसुखदेवविलास ॥ अध्या-
 तमपरकाशते, तिनअध्यात्मप्रकाश ॥ २३३ ॥ सं-
 वत्सत्रहसैवरष, पञ्चवनआश्विनजान ॥ एकादशि
 बुधकोभयो, शुक्लपक्षशुभमान ॥ २३४ ॥ व्यास
 पुत्रसुखदेवजी, संस्कृत अध्यातम् ॥ संस्कृतसों
 भाषा कियो, कविसुखभाषासम् ॥ २३५ ॥

इति श्रीअध्यात्मप्रकाशसंपूर्ण ।

दोहा—बडेपरिश्रमसेकियो, यापुस्तककीशुद्धि ।

भई रामकी कृपाते, मोहिंनहीं कछुबुद्धि ॥

सवैया—पियकी सुरति विसारिकैसजनीकहि
कोपीहर बैठी होनार ॥ ज्ञानको चांघरापहिरलेआ-
लीकपटकीचंदरदीजेउतार ॥ सत्यकोचुरलानेहन-
थुनिंयांनामकोलटकनलीजैसम्हार ॥ नारद पिय-
नेबुलाहरीगोरीभाललिखील्लिपिकोसकेटार ॥१॥

भजन—मारगमेघेरोचारठगन॥आस्ताइ॥लेलेशस्त्र
खडेचारोंदिशिकाहुभांतिनहिंदेतभगन॥ १ ॥ बडे
बडे ऋषिमुनिजेलूटेशिवजीकोइनकियोनगन॥२॥
नारदमुनिकोऐसेलिपटेभूलगयेसबजोगजतन ३॥

इति ।

पुस्तक मिलनेका ठिकाना—

खेमराज श्रीकृष्णदास,
“श्रीवेङ्कटेश्वर”स्टीम-प्रेस,
बंबई.

गङ्गाविष्णु श्रीकृष्णदास,
“लक्ष्मीवेंकटेश्वर”स्टीम-प्रेस,
कल्याण—बंबई.

“श्रीवेङ्कटेश्वर” छापखानेकी परमो- पयोगी, स्वच्छ, शुद्ध और सस्ती पुस्तकें।

यह विषय आज ४०।५० वर्षसे अधिक हुआ, भारतवर्षमें प्रसिद्ध है कि, इस यन्त्रालयकी छपी हुई पुस्तकें सर्वोत्तम और सुन्दर प्रतीत तथा प्रमाणित हुई हैं। इस यन्त्रालयमें प्रत्येक विषयकी पुस्तकें जैसे—वैदिक, वेदान्त, पुराण, धर्मशास्त्र, न्याय, मीमांसा, छन्द, ज्योतिष, साम्प्रदायिक, काव्य, अलंकार, चम्पू, नाटक, कोष, वैद्यक तथा स्तोत्रादि संस्कृत और हिन्दी भाषाकी प्रत्येक अवसरपर विक्रीके अर्थ तैयार रहती हैं। शुद्धता, स्वच्छता तथा कागजकी उत्तमता और जिल्दकी बँधाई देशभरमें विख्यात है। इतनी उत्तमता होनेपर भी दाम बहुत ही सस्ते रखे गये हैं और कमीशन भी पृथक् काट दिया जाता है। ऐसी सरलता पाठकोंको मिलना असम्भव है। संस्कृत तथा हिन्दीके रसिकोंको अवश्य अपनी अपनी आवश्यकतानुसार पुस्तकोंके मँगानेमें श्रुति न करनी चाहिये। ऐसा उत्तम, सस्ता और शुद्ध माल दूसरी जगह मिलना असम्भव है। -) का टिकट भेजकर ‘सूचीपत्र’ मंगा देखी।

Acc No. 791

Date 1.9.89

विमराज श्रीकृष्णदास,

“श्रीवेङ्कटेश्वर” स्टाम्-प्रेस, बम्बई.

Bahar, Jammu